

**Zeitschrift:** Igl Ischi : organ della Romania (Societat de Students Romontschs)

**Herausgeber:** Romania (Societat de Students Romontschs)

**Band:** 5 (1901)

**Vorwort:** Introducziun

### Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

### Conditions d'utilisation


L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

### Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

**Download PDF:** 30.07.2025

**ETH-Bibliothek Zürich, E-Periodica, <https://www.e-periodica.ch>**



## Introducziun.

Il solegl permavaun dat en nossa combra, cura che nus scrivin questas lingias, ed enzatgei sco la vivificonta, frestga aura de primavera va era tras il pievel romontsch. Grond e pign, studiau e buca studiau muossan tschaffen e premura per il lungatg matern. *In sa forsa dir, ch' ei seigi mai vegniu luvrauton per nies romontsch, sco grad ussa.* Era tier nies romontsch severifichescha il vegl plaid: ins renconuscha la valur dina caussa, cura ch' ins tema de piarder ella. La carezia tiella mumma romontscha ei carschida en quei moment, cura ch' ins temeva, ch' ella mundi tiella fossa.

Questa tschunavla annada digl Ischi dat perdetga dell' aria permavauna, che trai tras nossas retschas. Nus vulein mo far attents il lectur sin la classica raquintaziun: *Saun grischun*, che porscha a nus in schi viv e colorau maletg della veta grischuna el temps dell' *uiara de Muosch*. Nus cartein de ver il vegl grisch *Gienal*, in fideivel survient dellas treis ligias, sco el avdava el casti de Clavenna e sco el ha portau la tresta nuviala a Gion Travers leu sil casti de Fürstenburg. Co capescha igl auctur de schar sesalzar avon nus la rubiesta armada grischuna, che enquera passionada e tschoccamein in' unfrenda per

sia selvatgia rabia e sonda il saun digl innocent *mistral Silvester*, ina dellas numerusas unfrendas, che la democrazia grischuna ha domondau el cuors dell' historia. Ina raquintaziun historica sco „*Saun Grischun*“ ei in dils megliers mieds per menar anavos nossa giuentetgna en ils temps passai e far capir ella quels. Cheu survegnan ils schetgs datums ed ils freids numbs della historia carn e saun e nossa giuentetgna viva sezza eunc ina gada atras quels temps cun las figuras della novella historica.

Il futur Ischi vegn a purtar sper il studi historic de signur professer *Giachen Casper Muoth*: *Sur-suisse* ina fetg interessanta monografia de signur *Dr. Cahannes* sur dellas *missiuns dils Reverends Paders Capucins en il Grischun*. Era in diember gartiadas traducziuns de *poesias catalanas* en caracteristica elecziun e la continuaziun della lavur de signur professer *Dr. Genelin* orneschan il proxim Ischi. Signur professer *Dr. Huonder* vegn puspei scriver ina recensiuon dellas novas ovras filologicas sur nies Romontsch.

Aschia savein nus mirar ruaseivlamein en igl avegnir e vulessen mo recomendar, che mintga commember della Romania gudogni in amitg, ch' intreschi en quella.

